

武陵縣志卷八

公署

萬壽宮在府城西關內

雍正十一年知府張廷慶知縣孫之琮建
凡逢慶典或恩詔頒臨及三大節

文武官俱齊集於此
儀注大畧如朝儀

府署在府治中珠履坊相傳楚申君館址

明洪武甲辰權知府事
馬汝舟建正堂三間前

為月臺為甬道為儀門兩旁為廊東為吏戶禮房西為兵刑工
房正堂後為燕堂翼以左右廂房內為庖福諸室儀門前為譙
樓五間上有銅壺以正時刻譙樓前百餘步為大門永樂八年
知府應履平增建正堂五間後堂三間置戒石亭土地祠及東
西榜房四十二間成化七年知府楊宣加修葺又建架閣常阜
二庫及吏舍三十六間宏治十二年知府楊瑛關後堂東廂地
建白鶴軒正德二年知府王瑩於譙樓外改建清軍廳管糧廳
理刑廳及門樓四年同知何應湖通判蔡琳推官楊節各加修

武陵縣志

卷八

飾十二年知府陳希文重新前後堂嘉靖六年知府方仕加築
圍牆二百九十三丈九年知府趙永清再修大門譙樓十二年
同知李經關譙樓旁出入又建清軍管糧二廳於左右十六年
知府陸那復由舊路拆去大門建棹楔隆慶六年知府樊垣鼎
建正堂萬曆初蕭騰鳳尋白鶴古蹟臨池築室額白鶴清署二
十一年知府謝表增置譙樓三層從棹楔置儀門內三十七年
知府劉一全改建譙樓仍二層樓外置屏牆徙棹楔於屏外儀
門內重建戒石亭左翼申明亭右翼旌善亭崇禎三年知府鄭
時舉撤譙樓就建頭門門左立小譙樓移舊樓於府東城上兵
燹廢圮國朝順治四年初入版圖頭門內外軍民雜居十一
年知府高明建二堂川堂過道吏戶糧禮四房十六年知府王
來慶建頭門寅賓館及兵刑工等房康熙七年知府胡向華重
建大堂及抱廳重修二堂及三堂東廳廳旁建白鶴軒置土地
祠大門西偏為司獄署制度始備乾隆二十年知府耿興宗鼎
建大堂榜曰清白厥後知府葉馨因同知通判不便共儀門出
入將儀門縮進止共頭門三十九年同知都世喜別修照牆大
門儀門始與府治分向五十五年郡守李大露又將照牆縮進
數丈改列東西儀門今計大堂三間宅門川堂二堂堂左為東
廳兩翼庫房左翼耳房十間右翼耳房十二間左為寅賓館右
為清白泉廳戒石亭左右皂隸亭各六間左之左為吏戶禮房

右之右為兵刑工房儀門三間左土地祠三間右監獄六間廳
一座外頭門照牆左右牌坊欄柵乾隆癸丑紹興陳大尹誦復
白鶴池古蹟右為西廳由中進為三堂為內書房為坐樓為上
房為寢室為庖滷室室後偏東為小樓樓距圍牆前置倉房一
百二十間嘉慶十三年知府應先烈於大堂東偏建天星樓三
層周按八卦起八角上層廊位供天星神像白甲側立執匡斧
制坤方入煞道光十二年多瑛撤去之咸豐四年粵寇犯常內
署殘燬惟大堂以外尙如故七年知府葆亨重修葺之制加修
如昔附保園記咸豐四年夏賊躡郡郡解毀尋太守葆
侯來權郡事撫夷傷招流亡民獲安堵易呻而謠咸請為侯新
治廨侯曰民痛未蘇不可勞也弗許越三載侯真除於茲益竟
前治廉得推埋剽斃者主名捕置之理盜用衰息年事順成屢
市浩穰尤倍莠於昔眾彌德侯愈申前請三請而後許之不日
訖工規制加侈於舊廨後有隙地廣十餘畝榛莽茂之乃燔乃
墾規以為園將與賓從游息其間而請名於予予曰治亂興廢
往復於無窮是壞也自經兵燹後颺颺之所穴羣畜之所游蓋
棄為廢墟久矣一旦復有明瑟之觀叢翠之勝以為休暇之所
不當賀茲壤之遭與而予又若重有慮焉者何也以常郡上通
滇黔下達吳會招徠四方游販之民居積珍奇淫巧充牣河壖
不免易齋寇盜又其習俗侈靡風氣柔脆卒有震驚則倉皇怖

武陵縣志

卷六

擾羣然若鳥獸散如前日者可睹也今賴侯之賢方數百里無
鳴吠之警四郊絃誦與機杼之聲相聞而君遂得增治此園以
寓休燕之樂何其幸與然自茲以往園木之槎者得至於葉乎
藥者得至於抱乎是在有以保之耳敢名之為保園侯聞之欣
然曰吾志也即屬為記鐫諸壁以告後之君子欲
長保此園無恙焉當思患預防於無事之時也

同知署府堂左

建明永樂初同知董翥創修嘉靖十二年同知李經

時次第修理

國朝康熙七年同知孔斯和更易

通判署府堂右

明永樂間通判陳志明創建安通判姚綸萬

張道澄康熙二年王興雨大

加營構制如同知署無儀門

經歷司署在同知廨前

明成化七年知府楊宣建 國朝乾隆間

右書房三堂翼以廂房東廂右
為客廳寢室至庖滷悉備

廢署 附

布政分司署府西二百步正統初建今廢

按察分司署府東二十步明洪武初知府張子俊建今廢

南察院行司署府西門外一里因行旌謁王晉見羈遲乃建於城外規制皆與城內分司同兵燹蕩廢

推官廨府堂左明永樂間推官陳尚舟建今廢

照磨所府堂右知府楊直建

知事廨在經歷廨前

司獄司署府堂東南隅廳三間房六間今裁

稅課司署府西權知府事馬汝舟建今裁

九潭湖河泊所府東二里洪武初建今廢

武陵縣志

卷八

新興館府東北八十里紱紫山之東舊路由武陵之安鄉苦無館所惟寄宿菩提寺及民家嘉

靖十年知府趙永溥於適中處建館往來甚便今廢

陰陽學府西半里洪武十七年建今廢

醫學府治西二十步洪武十七年建今廢按陰陽醫學雖係土員均隸禮部常德向設陰陽醫學公所故得附

廨署之未至僧道等官惟居寺觀且無定址故不列云各儒學署則附見各學校

遞運所府東二里洪武初建今廢

德衛署在府治東半里元置常德翼在府西北百餘步至正十六年為陳友諒所據置元帥府明洪武

甲辰年以胡汝充總制乃於城南即舊治所為衙門丙午年始改翼為衛國朝順治四年裁衛指揮為常德協舊衛公館俱

廢十五年守備張靖建廳堂耳房儀門大門在府治西

經歷司在衛廳之左

衛鎮撫司在衛西百步

嘉靖三年鎮撫黃儼
建正廳大門獄房

五千戶所舊各有蒞事署

今廢

軍器局在衛北百餘步

宏治十一年指
揮鄭昇建今廢

縣治舊在神鼎門東臨沅門西今遷府西大街

明洪武甲辰知縣
張子源建正堂幕

廳儀門宣德八年燬於火知縣燕喜重修增立左右廂房置六
曹設架閣庫成化八年知縣徐必數縣丞源政重修宏治十三

年知縣應能因署逼近城址乃縮入丈餘為正門儀門改建正
堂後堂置戒石亭土地祠庫房承發房獄房榜房嘉靖十年知

縣馬負圖重修萬曆九年知縣洪有福建譙樓於儀門左天啟
甲子知縣鄒毓祚重修造東壁館以課士砌石基遷譙樓於城

上崇禎四年知縣宋學顯重修大堂仍置譙樓十年知縣徐顯
嗣修兵燹後僅存數椽國朝康熙七年知縣黎上材始行創

造規模如故增穿堂教子堂上下官房三十餘間二十六知
縣勞啟銑改為考院遷治神鼎門西右雲程巷左大興街是為

今縣治乾隆十五年知縣李際隆復重修之今計大堂三間左
庫房戒石亭吏戶禮糧倉戶總六房右茶科兵刑工東招屯餉

武陵縣志

卷八

四

承發皇庄入房凡四十二間儀門三間左土地祠右寅賓館大
門三間左右柵欄照牆宅門大堂後為左右門房二堂三間東

書房三層各三間西書房五層各三間翼以耳房為幕室二堂
後為內宅門左右耳房三堂三間後堂一進左右寢室庖湍俱

備東倉房二十間西倉房七十三間東倉後為射圃西
倉前為內馬號其右為監獄獄舍六間經粵寇亂如故

縣丞署舊在縣堂左

乾隆二十六年移駐牛
鼻灘建分縣署舊署廢

典史署舊在縣儀門左今移建縣西雲程巷內

前後共計四層層
各三間左右廂房

俱備嘉慶二年典史程
汝蕙重建後堂及書坊

主簿廨縣堂右久廢

陰陽學醫學今廢

提督署府治東半里

明常德衛治國朝順治四年裁衛指揮治
遂為常德營副將札駐康熙二十四年提標

移駐常德將衛治改為提督署提督徐治都權為整理四十二
年提督俞益謨乃鼎新之附俞益謨記畧云康熙四十二年春

余自大同總兵官授湖廣提督駐劄武陵郡公署頽敝隘靡
所托足抵任之始不欲以繁費累營伍力役勞士卒刮捐行棗

得金若干兩庀材於山伐石于崖乃涓辰舉事始為內署正樓南向者五楹東西列廳事北向者與正樓相稱繼于內署門以外為退思廳五楹稍前為大堂五楹其左右退食廳者為書室為幕館左右大堂者為椽曹又繼而為儀門為頭門左右為鼓吹亭為東西轅門外之翼然以張者為中軍廳為列校廳內為僕從居停厨爨廡櫺暨于匠藝工作莫不各有其功至射圃廳則其最後者是役也起于癸未之夏落成于乙酉之夏閱二十四月而工竣

中營參將署在大南門上大街原係分巡湖北道署國朝康熙六年裁分巡道二十四年提標移

常參將鄭興遂駐札道署鼎修新頭門三間儀門三間儀門內東西各列科房中大堂再進二堂內為正寢房室外為照壁為東西轅門

前營守備署在百順街坐西向東前為頭門少曲為儀門其旁為辦事房中為大堂為二堂內為寢室

前營都司署在大興街少東國朝順治十五年衛守備張靖以此起照牆轅門頭門儀門大堂二堂內室旁為號為有書房箭道康熙二十七年衛守備裁前營遊擊移駐於內乾隆十八年

武陵縣志

卷八

遊擊改都司為都司署

右營守備署在皇經臺巷內建頭門儀門大堂二堂寢室花廳俱備

左營遊擊署在青陽閣北向

右營遊擊署在青陽閣北向上二署以抵街近無照壁轅門其頭門儀門大堂二堂椽曹幕室內寢前

無所仍皆移駐時鼎建者

中營守備署在太平巷

左營守備署在大高山巷提署西北

常德營遊擊署在鷺鷥橋頭門儀門大堂二堂寢廳幕曹十數間旁有箭道不設轅門

常德營守備署在遊擊署東千總把總外委係本營行伍補拔其署即所居室為之無定所

考棚公館附

考院在北門內

國初道考於龍陽搭場後乃將府西行司署右

改建縣治於其地而以舊縣治為考院築圍牆外四面俱官

地乾隆二十一年知府耿興宗知縣王粵麟倡修考棚六

層棹橙悉備因係公署抵建亦為官府往來行館嘉慶十七年

合郡紳士呈請改建知府應先烈審定基址置青陽閣大街十

姓屋基左抵石探花大街右抵馬路巷後闢大路通左右街四

周不接民居長四十六丈有奇寬二十三丈有奇建大堂三間

川堂二間左右官廳二間考棚七十二間通計儀門各三間

二堂座樓各五間鼓樓各二間考棚東西各三層棹橙悉備

皇華館在府北關外嘉慶十七年知府應先烈即故提督俞公祠

門內仍祀俞益謨

常德會館在京師鮮魚口長巷第四條衙衙

明時建凡應選試者

卿王佐篆愛鼎堂三字額國朝康熙五十四年監察御史汪

浩捐銀六百餘兩募郡人重修雍正十二年楊超曾等復酌定

捐貲則例以便隨時修葺歷久如舊乾隆十六年楊健等因捐

貲積餘置買館側基房四十年龔大萬等復行修葺嘉慶六年

武陵縣志

卷八

黎學錦復捐貲修之

府河驛在常武門外

驛原為水驛府南門一里臨江明洪武四年

年知縣徐必敷於廳後建水亭九年知府楊宣遷舊亭於府西

北建正廳匾曰皇華後為退居翼以寢室宏治九年知縣應能

增修嘉靖八年歸併水驛國朝康熙間以地濱大江無芻牧

餘地乃改建今處建正堂寢室馬房設驛丞一員專管雍正七

年裁汰附近城郭驛丞驛務歸武陵知縣兼理乾隆三十五年

燬於火知縣洪雲錦建正廳頭門廚房書房四十七年知縣李

師白復修外廳及東西馬房五十七年司事趙錫膺復募修馬

王祠及靈樞觀定額馬五十七匹馬夫二十八名半損夫九十

三名驛書二名獸醫一名又僱健夫八名歲支正閏

銀二千二百三十兩三錢四分零俱於驛道支領

大龍驛府北六十里

舊在蹇家坪明洪武十五年遷今處設驛丞

一員管理嘉靖八年知府方任重修館舍

國朝乾隆四十一年驛丞改為巡檢建公署頭門儀門大堂二

堂東書房西班牙房俱備驛側公館建頭門儀門大堂二堂內房

東西廂房驛內建大門差聽差房馬房厨房及馬王祠定額馬四十五匹馬夫二十二名半槓夫七十五名驛書二名獸醫一名又僱健夫五名巡檢弓兵十名歲支正閏銀一千九百二十一兩五錢九分八釐

府河大龍兩驛甲排夫一百九十四名歲支銀一千四百二十兩八分脚馬二十四匹歲需支銀一千二百六十兩

按脚馬銀解驛道開

銷是此項已奉裁汰里甲排夫定例照數僱募不容混派詳見知縣勞啟銳碑記